

SCRIPT OF MORNING GOJRI NEWS BULLETIN 23MAY 2025 1015HRS

مارننگ گو جری نیوز بلیٹن مورخہ 23 مئی 2025

یوہ آکا شوانی جموں ہے عیدالرحمان تیں خبر سنو۔

CM JKSSB MEETING

وزیر اعلیٰ عمر عبداللہ نے گزشتہ روز ایک اعلیٰ سطحی میٹنگ کے دوران جموں کشمیر سروس سلیکشن بورڈ کا کام کاج کو جائز و لیو تے اس گل ور زور پایو ہے کہ بورڈ غیائدر امیدواران غی بھرتی غا سلسلہ مانہہ آن آلی تمام رُکاوٹاں نانہہ دور کیو جے تے بروقت رتیں شفاف طریقہ نال بورڈ غے اندر امیدواران غی بھرتی نانہہ یقینی بنایو جاسکے۔ اس دوران جموں کشمیر ایس ایس بی غی چیئر پرسن اندوکنول جب نے سال ۲ ہزار 19 تیں بعد ہون آلی تمام بھرتیاں غی تفصیلی رپوٹ پیش کی۔ اس تیں علاوہ بورڈ نے یقین دہانی کر آلی ہے کہ آئندہ سروس سلیکشن بورڈ غی طرفوں لیا جان آلا تمام امتحان سی سی ٹی وی کیمران غینگرانی مانہہ وین غا تاکہ شفافیت برقرار رکھی جاسکے وزیر اعلیٰ عمر عبداللہ نے ایس ایس بی نانہہ ہدایت جاری کی ہیں کہ وے امیدواران غی بھرتیاں گو سلسلو شروع کریں تے اس ضمن مانہہ آن آلی تمام رُکاوٹاں نانہہ دور کریں۔

CBI MALIK FIR

مرکزی تحقیقاتی ایجنسی سی بی آئی نے جموں کشمیر غا سابقہ گورنر ستیہ پال ملک تے ۵ دوجا افراد ور کیرو پن بجلی پروجیکٹ معاملات ور مقدمو دآر کیو ہے سال ۲ ہزار 22 مانہہ جموں کشمیر سرکار نے 22 سو کروڑ روپیاں غی لاگت آلا کیرو ہاڈرو پاور پروجیکٹ ور سی بی آئی تحقیقات غی مانگ کی تھی اس ضمن مانہہ سی بی آئی نے سال ۲ ہزار 24 مانہہ دہلی تے جموں گے اندر ۸ بکھ بکھ جگہاں ور تلاشی کی سابقہ گورنر ستیہ پال ملک تیں علاقہ جن ۵ افراد ور مقدمو درج کیو گھو ہے اُن مانہہ جناب ویلی پاور پروجیکٹ غا اُس وقت غا چیئر مین نوین کمار چوہدری وی شامل ہیں ان تیں علاوہ دیگر حکام مانہہ پٹیل انجنیئرنگ لمٹیڈ تعمیراتی فرم نال تعلق رکھن آلا ایم ایس بابو ایم کے متل تے ارون کمار مشرا ور وی مقدمو درج کیو گھو ہے۔

SAKEENA SOCIAL WELFARE

سماجی فلاح و بہبود غی وزیر سکینہ اتو نے گزشتہ روز سال سیکرٹریٹ سرینگر مانہہ پردھان منتری جن وکاس کاریا کرم پروجیکٹ غی عمل آوری متعلق منعقد کی گئی میٹنگ غی صدارت کی اس دوران موصوفہ نے مزکورہ اسکیم غے تحت تجویز کردہ پروجیکٹ ور تفصیلی گل بات کی اس دوران موصوفہ نے کہو کہ یاہ اسکیم اقلیتی طبقات غی مجموعی ترقی مانہہ ایم کردار اد اکرے غی میٹنگ غے دوران متعلقہ افسران نانہہ ہدایت جاری کی گئی کہ وے عوامی نمائندان نال مل غے ترقیاتی منصوبہ تیار کریں تانجے عوام غی ضروریات ناں پورو کیو جاسکے۔ انہاں نے مزید کہو کہ اس اسکیم غے تحت ہون آلا کام کاج مانہہ متعلقہ ڈپٹی کمشنران غا مشورہ وی شامل رکھیا جیں۔

SMVDSB

لیفٹیننٹ گورنر منوج سنہا جھیرا شری ماتا ویشنو دیوی شرٲینبورڈ گا چئیرمین وی ہیں غی ہدایتاں غے مطابق کثرہ غے اندر مجموعی کمانڈ تے کنٹرول مرکز قائم کیو گیو ہے تاکہ عقیدت منداں غی حفاظت نانہہ یقینی بنایو جاسکے اس ضمن مانہہ ۷ سو سی سی ٹی وی کیمرہ بکھ بکھ جگہاں ور نصب کیا گیا ہیں جھیرا جے چہرا غی شناخت تیں علاوہ انسان غا مود ور وی نظر رکھیں غا جس نال وقت رہتیں شرٲین علاقہ غے اندر فیصلہ لیا جئیں غا تے عقیدت منداں غی حفاظت نانہہ یقینی بنایو جے غو۔

LG-BOOK RELEASE

لیفٹیننٹ گورنر منوج سنہا نے گزشتہ روز ہندی شاعری غی کتاب روبارو غو اجراء کیو یاہ کتاب مرہوم رمیش ارورا نے لکھی تھی جھیرا جے سابقہ ایم ایل سی تے سنئیر بی جے پی لیڈر تھا کتاب غا اجراء غے دوران ایل جی موصوف نے کتاب غا لکھاڑی نانہہ خراج عقیدت پیش کیو تے ادبی دنیا مانہہ اُن گا اس کارنامہ نانہہ سہرایو یوہ پروگرام راج بھون جمون مانہہ منعقد ہوو جس مانہہ مرحوم لکھاڑی غا کنبہ گا افراد وی شامل تھا۔

PM MKB

وزیر اعظم نریندر مو دی مُلک تے بیرون مُلک رہ رہیا بھارتی شہریاں سنگٲندہ 25 مئی نانہہ آکاش وانی ور من کی بات پروگرام مانہہ اپنا خیالات سانجہ کریں گاتے وزیر اعظم غا ماہانہ ریڈیو پروگرام من غی بات غی یاہ 122 ویں قسط وے غی۔

ANNOUNCEMENT PROG MUST

آکاشوانی جمون گا خبراں آلا علاقائی یونٹ غی طرفوں ایک خاص پروگرام ترتیب دتو جارہیو ہے جھیرو ترنگا یاترہ تے حب الوطنی غاپس منظر مانہہ اپریشن سندھور ور مبنی وے غوبوہ پروگرام 20 منٹ غو وے گو۔ جس مانہہ محکمہ فلاحی امور برٲینے سابقہ فوجیاں غا ڈائریکٹر جمون کشمیر برگیڈر ریٹائرڈ گرمیت سنگھ شان موجودہ ملکی صورتحال ور اظہار خیال کرینگایاہ خصوصی نشریات 24 مئی 2025 نانہہ سویرے ساڈھ 9 بجے نشر کی جے گی۔ آکاشوانی نیوز مانہہ میڈیم ویو 990 کلوارٹز 104 عشریہ 5 میگا ہارٹز تے ایف ایم 100 عشریہ 3 میگا ہارٹز ورہ نشریات سنی جاسکیں غی۔ اس طرز غی دیگر معلوماتی نشریات ور وی سانجی کرسکیں۔ rnujammu@gmail.com وستی سامعین اپنی رٲینے

ANNOUNCEMENT

علاقائی خبراں آلا شعبہ آکاشوانی جمون غی طرفوں ضلع کٹھوعہ واسطے عارضی نامہ نگاراں یعنی پی ٹی سی غوبینل بنان خاطر درخواست منگی گئی ہیں۔ مجوزہ پرفارمہ ور عارضی نامہ نگار غی پوسٹ مانہہ دلچسپی رکھن آلا ایسا امیدوار درخواست دے سکیں گا جھیرا ضلع کٹھوعہ گا بسنیک ویں تے اُن غی عمر غی حد 24 براں تیں براں غے بشکار وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا 50 صحافت غا شعبہ

مانہ ڈگری یافر تسلیم شدہ یونیورسٹی تیں گرجویشن غے ہمراہ 2 براں غو صحافت مانہ تجربو مقرر کیو گیو ہے۔
اس تیں علاوہ کمپیوٹر تے ورڈ پروسیسنگ نالے خبر اکٹھی کرن آلا آلات تے میڈیا کوریج مانہ تجربو وی ضروری ہے۔ عارضی نامہ نگار غی پوسٹ مانہ دلچسپی رکھن آلا امیدوار واسطے لازمی ہے جے ضلع صدر دفتر کٹھوعہ یا اس تیں 10 کلو میٹر غاڈا رہ غے اندر رہا ش پزیر وے اس سلسلہ مانہ درخواست غی ہارڈ کاپی ضروری دستاویزات غے ہمراہ ہیڈ ریجنل نیوز یونٹ آکاشوانی پنچترتھی جموں مانہ بزات خود آئندہ 15 جون توڑی دے سکیں۔ اس بارے مزید جانکاری ویب سائٹ www.newsonair.gov.in ور دستیاب ہے۔
